

Յովհաննէս եպօսի, որ հազիւ քանի մը ամիս կը մնայ Ս. Նշա-
նի վանքը: Ժողովրդեան խնդրանքին վրայ պատրիարքարանը
Արմատանցին դարձեալ կը վերահաստատէ. իսկ Յովհ. եպօսը կը
ճամբէ Երուսաղէմ, և քանի մը ամիս վերջ կը կարգէ առաջ-
նորդ Կուտինայի: Մանրամասնութիւնները տեսնել (Պ. Սեքսս-
իոյ, էջ 276—80):

ՅՈՎՀԱՆՆԷՍ ՎՐԴ. ԳՍՌԵՆՅԻ.— Մբ. Այրի վանաց. 1223
ին ուխտաւորութեամբ կ'այցելէ Ս. Յակոբի վանքը, միևնոյն
ժամանակ 40 հայերու հետ կ'այցելէ Յորդանան և Սինէական
անապատը: Գառնեցիին Երուսաղէմէն կը մեկնի Հոսմկլայ,
Կոստանդին կիթղիին մօտ, ուր կը վախճանի. իր քնիկներուն և
հրաշից պատմութիւնները տեսնել (Կիրակոս Պատիկ, էջ 269—
214. ինչպէս նաև ՄՁ. Թ. 1084):

ՅՈՎՀԱՆՆԷՍ ՎՐԴ. ԳՈՆԻԱՅԻ.— Մբ. այս անձը 1706ին կը
յիշատակուի ՄՁ. Թ. 406 ձեռագրին մէկ յիշատակագրութեանը
մէջ (Սապ. Յույ. տետր. 9. էջ 960):

ՅՈՎՀԱՆՆԷՍ ՎՐԴ.— Մբ. Ն. Հնդկաստանի 1771ին. Կալ-
կաթայի մէջ կը հանդիպի երկու հայ-հոովմէական վարդա-
պետներու Մուխաս Շոռոքեցի և Աբրահամ Գաղսացի անուամբ,
որոնք ժողովրդեան միտքը կը ջանան պղտորել. Յովհաննէս վրդ.
կ'աշխատի յորդորել տեղւոյն ժողովուրդը որ անխախտ մնայ
իր հաւատքին մէջ: Իր պաշտօնը լրացնելէն յետոյ՝ գրի կ'առ-
նէ իր քարոզածները Վահան մանկանց սուրբ եկեղեցւոյ խորա-
գրով (ՄՁ. Թ. 1880):

ՅՈՎՀԱՆՆԷՍ ՎՐԴ. ԴԱՏՕ.— Մբ. Ն. Վանայ, Շղթայակիրի
օրով. իր տուած յիշատակի մասին (ՄՁ. Թ. 532):

ՅՈՎՀԱՆՆԷՍ ՎՐԴ. ԵԴԻՊՏՈՍԻ.— Մբ. կը պաշտօնավարէ
Եգիպտոսի եկեղեցիին մէջ (1731—1795):

ՅՈՎՀԱՆՆԷՍ ՎՐԴ. ԵԻԴՈԿԻԱՅԻ.— Մականուանեալն Աղ-
ուաշ. Մբ. ՌՃԿԸ (= 1719) Ծռազատկին՝ Էրզրումցի Պաղտասար
վրդիին հետ Ս. Փրկչի վանքին մէջ Գրիգոր վրդ. Շղթայակիրէն
կ'ընդունի վարդապետական մասնաւոր իշխանութիւն (ՄՁ. Թ. 532).
Ս. Յակոբի վանքին կը յիշատակէ Գրի. Տաթևացիին Ամրան
հասոյ քարոզիչին և Բժշկարան մը (ՄՁ. Թ. 941) զոր ընդօրի-
նակած էր Եւզոկիոյ, Ամասիոյ և Կարնոյ նուիրակութեան ժա-